

四庫全書

集部

# 欽定四庫全書

集部

孟東野詩集卷六

八至

詳校官監察御史

臣范衷

檢討臣何思鈞覆勘

覆校官中書

臣王慶長

校對官中書

臣王鍾泰

謄錄貢生

臣趙希濬

謄錄監生

臣熊瀛

欽定四庫全書

孟東野詩集卷六

唐 孟郊 撰

行役

西上經靈寶觀

觀即尹真人舊宅

道士無白髮語音

一作言

靈泉清青松多壽色白石恒夜

明放步霽霞起振衣華風生真丈秘中頂寶氣浮四楹  
一片古關路萬里令人行上仙不可見驅策徒西征

泛黃河

誰開崑崙源流出混沌河積雨

一作羽

飛作風驚龍噴為

波湘瑟颼颼絃越賓

一作客

嗚咽歌有恨

一作雙眼

不可洗虛

此來經過

往河陽宿峽陵寄李侍御

暮天寒風悲屑屑啼鳥遶樹泉水噓行路解鞍投古陵  
蒼蒼隔山見微月鶚鳴犬吠霜煙昏開囊拂巾對盤飧  
人生窮達感知已明日投君申片言

鷓鴣路溪行呈陸中丞

鷗路不可越二十六渡溪有物飲碧水高林挂青蜺  
覽道更險驅使跡頻睽視聽易常主心魂互相迷浪石  
忽搖動沙堤信難躋危峯紫霄外古木浮雲齊出阻望  
汝羣大賢多招攜疲馬戀舊秣羈禽思故棲應憐泣楚  
玉棄置如塵泥

獨宿峴首憶長安故人

月迴

一作迴

無隱物況復大江秋江城與沙村人語風颭

颯峴亭當時故人不同遊故人在長安亦可將夢求

自商行謁復州盧使君虔

一身遶千山遠作行路人未遂東吳歸暫出西京塵仲

宣荊州客今余

一作為

竟陵賓往蹟雖不同託意皆有因

商嶺莓苔滑石坡上下頻江漢沙泥潔水白

一作永日

光景

新獨淚起殘夜孤吟望初晨驅馳竟何事章句依深仁

夢澤行

楚山爭蔽虧日月無全輝楚路遶迴惑旅人有一

作多

迷

歸騏驥思北首鷓鴣願南飛我懷京雒遊未厭風塵衣

京山行

衆蛩聚病馬流血不得行  
後路起夜色前山聞虎聲  
此時遊子心百尺風中旌

旅次湘沅有懷靈均

分拙多感激久遊遵長途  
經過湘水源懷古方踟躕  
舊稱楚靈均此處殞忠軀  
側聆故老言遂得旌賢愚  
名參君子場行為小人儒  
騷文銜貞亮體物情崎嶇  
三黜有愠色即非賢哲模  
五十爵高秩謬膺從大夫  
胷中積憂

愁容鬢復

一作先

彫枯死為不弔鬼生作猜謗徒吟澤潔

其身忠節寧見輸懷沙滅其性孝行焉能俱且聞善稱  
君一何善自殊且聞過稱已一何過不渝悠哉風土人  
角黍投川隅相傳歷千祀哀悼延八區如今聖明朝養  
育無羈孤君臣逸雍熙德化盈紛敷巾車徇前侶白日  
猶昆吾寄君臣予心戒此真良圖

過彭澤

揚帆過彭澤舟人訝歎息不見種柳人霜風空寂歷



過分水嶺

山壯馬力短路行石齒中十步九舉轡迴環失西東溪  
水變為雨懸崖陰濛濛客衣颼颼秋葛花零落風白日  
捨我没一作去征途忽然窮

分水嶺別夜示從弟寂

一作示  
于孟叔

南中少平地山水重疊生別泉萬餘曲迷舟獨難行四  
際亂峯合一眺千慮并潺湲冬夏冷光彩晝夜明賞心  
難久勝離腸忽自驚古木搖霽色高風動秋聲

一作古  
木解舊

葉迴風  
結秋聲

飲爾一樽酒慰我百憂輕  
嘉期何處定此晨堪

寄情

連州吟三章

春風朝夕起吹綠日日深  
試為連州吟淚下不可禁  
連山何連連連天碧岑  
峯哀猿哭花死子規裂客心  
蘭芷結新佩瀟湘遺舊音  
怨聲能翦絃坐撫零落琴

羽翼不自有相追力難任  
唯憑方寸靈獨夜萬里尋  
方尋魂颺颺南夢山峴欽  
髣髴驚魍魎悉窅聞楓林  
正直

被放者鬼魅無所侵  
賢人多安排  
俗士多虛歆

一作孤

懷吐明月衆毀鑠  
黃金願君保玄曜  
壯志無自沈

朝亦連州吟暮亦連州吟  
連州果有信一紙萬里心  
開緘白雲斷明月墮衣襟  
南風嘶舜琯苦竹動猿音  
萬里愁一色瀟湘雨淫淫  
兩劍忽相觸雙蛟恣浮沈  
關水正迴幹倒流安可禁  
空愁江海信驚浪隔相尋

### 旅行

楚水結冰薄楚雲為雨微  
野梅參差發旅榜道遙歸

紀贈

上河陽李大夫

上將秉神畧至兵無猛威三軍當嚴冬一撫勝重衣霜  
劍奪衆景夜星失長輝蒼鷹獨立時惡鳥不敢飛武牢  
鎖天關河橋紐地機大將奚以安守此稱者稀貧士少  
顏色貴門多輕肥試登山岳高方見草木微山岳恩既  
廣草木心皆歸

投贈張端公

君子量不極，胃吞百川流。  
嫉邪霜氣直，問俗春辭柔。  
日戶晝輝靜，月杯宵景幽。  
詠驚芙蓉發，笑激風飈步。  
獨無侶，鶴音仍寡儔。  
幸沾分寸顧，散此千萬憂。

贈蘇州韋郎中使君

謝客吟一聲，霜落羣聽清。  
文含元氣柔，鼓動萬物輕。  
嘉木依性植，曲枝亦不生。  
塵埃徐庾詞，金玉曹劉名。  
章句作雅正，江山益鮮明。  
蘋萍一浪草，菰蒲片池榮。  
曾是康樂詠，如今寥其英。  
顧惟菲薄質，亦願將此并。

上張徐州

為水不入海安得浮天波為木不在山安得橫日柯再  
來君子傍始覺精義多

一作藝多

大德唯一施衆情自偏頗

至樂無

一作變

宮徵至聲遺謳歌願鼓空桑絃永使萬物

和顧已誠拙訥干名已蹉跎獻詞唯在口所欲無餘他  
乍作支泉石乍作翳松蘿一不改方圓破質為琢磨賤  
子本如此大賢心若何豈是無異途異途難經過

上包祭酒

岳岳冠蓋彥英英文字雄瓊音獨聽時塵韻固不同春  
雲生紙上秋濤起胃中時吟五君詠再舉七子風何幸  
松桂侶見知勤苦功願將黃鶴翅一借飛雲空

贈崔純亮

食齋腸亦苦強歌聲無歡出門即有礙誰謂天地寬有  
礙非遐方長安大道傍小人知慮險平地生太行鏡破  
不改光蘭死不改香始知君子心交久道益彰君心與  
我懷離別俱迴遑譬如浸藥泉流苦來一作已日長忍泣

目易衰忍憂形易傷項籍非不壯賈生非不良當其失

意時涕泗各沾裳古人勸加食

一作食

此食

一作食

難自強

一飯九祝噎一嗟十斷腸況是兒女怨怨氣凌彼蒼彼

蒼昔有知白日下清霜今朝始驚歎

一作呼

碧落空茫茫

贈文應上人

棲遲青山巔高靜身所便不踐有命草但飲無聲泉齋  
性空轉寂學情深更專經文開貝葉衣製垂秋蓮厭此  
俗人羣暫來還却旋



嚴河南

赤令風骨峭語言清霜寒不必用雄威見者毛髮攢我  
有赤令心未得赤令官終朝衡門下忍志將筑彈君從  
西省郎正有東洛觀洛民蕭條久威恩憫撫難苦竹聲  
嘯雪夜齋間千竿詩人偶寄耳聽苦心多端多端落杯  
酒酒中方得歡隱士多隱酒此言信難刊取次令坊沽  
舉止務在寬何必紅燭嬌始言清宴闌丈夫莫矜莊矜  
莊不中看

贈李觀

觀初登第

誰言形影親燈滅影去身誰言魚水歡水竭魚枯

一作損

鱗昔為同恨客今為獨笑人捨予在泥轍飄跡上雲津  
卧木易成蠹棄花難再春何言對芳景愁望極蕭晨埋  
劍誰識氣匣絃日生塵願君語高風為余問蒼旻

吳安西館贈從弟楚客

一無客字

蒙籠楊柳館中有南風生風生今為誰湘客多遠情孤  
枕楚水夢獨帆楚江程覺來殘恨深

一作心

尚與歸路并

玉匣五

一作正

絃在請君時一鳴

贈章仇將軍

將軍不誇劍才氣為英雄五岳拽力內百川傾意中本  
立誰敢拔飛文自難窮前時天地翻已有扶正功

贈道月上人

僧貌淨無點僧衣寧綴華尋常晝日行不使身影斜飯  
木煮松栢坐山敷

一作邀

雲霞欲知禪隱高緝辟為袈裟

抒情因上郎中二十二叔監察十五叔兼呈李

益端公柳鎮評事

方憑指下絃寫出心中言寸草賤子命高山主人恩遊  
邊風沙意夢楚波濤魂一日引別袂九迴霑淚痕自悲  
何以然在禮闕晨昏名利時轉甚是非宵亦喧浮情少  
定主百慮隨世翻舉此胃臆恨幸從賢哲論明明三飛  
鷺一作步兵與雙鷺照物如朝暾

贈城郭道士

望裏失却山聽中遺却泉松枝休策雲藥囊翻貯錢曾

依青桂鄰學得白雲絃別來意未迴世上為隱仙

桐廬山中贈李明府

靜境無濁氛清雨零碧雲千山不隱響一葉動亦聞即  
此佳志士精微誰相羣欲識楚一作章句袖中蘭茝薰

獻漢南樊尚書

天下昔崩亂大君識賢臣衆木盡搖落始見竹色真  
勢走山岳陽光潛埃塵心開玄女符面縛清波人異俗  
既從化澆風亦歸淳自公理斯郡寒谷皆變春旗影卷

赤電劒鋒匣青鱗如何嵩高氣作鎮楚水濱雲鏡忽開

霽

一作景

孤光射無垠乃知尋常鑒照影不照神

贈轉運陸中丞

掌運職既大摧邪名更雄鵬飛簸曲雲鶚怒生直風投

彼霜雪令剪除荆棘叢楚倉傾向西吳米發

一作登

自東

帆影咽河口車聲聾關中堯知才策高人喜道路通皆

驚內史力繼得鄮侯功萊子真為少相如未免窮衣花

野茁茁書葉山梧桐不是宗匠心誰憐久棲蓬

贈萬年陸郎中

天子憂劇縣寄深華省郎紛紛風響珮  
蟄蟄劒開霜舊事笑堆案新聲唯雅章  
誰言百里才終作橫天梁江鴻恥承眷  
雲津未能翔徘徊塵俗中短絢無輝光

擢第後東歸書懷獻座主呂侍郎

昔歲辭親淚今為戀恩泣去住情難並  
別離景易戢天矯大空鱗曾為小泉蟄  
幽意獨沈時震雷忽相及神行既不宰  
直致非所執至運本遺功輕生各一作苦自立大

君思此化良佐自然集寶鏡無私光時文有新習慈親  
誠志就賤子歸情急擢第謝靈臺牽衣一作名出皇邑行  
襟海日曙逸抱江風入蒹葭得波浪芙蓉紅岸濕雲寺  
勢動搖山鐘韻噓吸舊遊期再踐懸水得重挹松蘿雖  
可居青紫終當拾

古意贈梁肅補闕

曲木忌日影讒人畏賢明自然照燭間不受邪佞輕不  
有百鍊火孰知寸金精金鉛正同一作在鑪願分精與麝



贈黔府王中丞楚

舊說天下山半在黔中青又聞天下泉半落黔中鳴山  
水千萬遠中有君子行儒風一以扇汙俗心皆平我願  
中國春化從異方生昔為陰草毒今為陽華英嘉實綴  
綠蔓涼湍瀉清聲逍遙物景勝視聽空曠并困驥猶在  
轅沈珠尚隱精路遐莫及盼泥污日已盈歲宴將何從  
落葉甘自輕

上達奚舍人

北山少日月草木苦風霜貧士在重坎食梅有酸腸萬

俗皆走圓一身

一作心

猶學方常恐衆毀至春葉成秋黃

大賢秉高鑒公燭無私光暗室曉未

一作來

及幽吟涕空

行

贈主人

斗水瀉大海不如瀉枯池分明賢達交豈顧豪華兒海  
有不足流豪有不足資枯鱗易為水貧士易為施幸覩  
君子席會將幽賤期側聞清風議如飲黃金卮此道與

日月同光無盡時

贈建業契公

師住青山寺清華常遶身雖然到城郭衣上不棲塵

獻襄陽于大夫

襄陽青山郭漢江白銅堤謝公領茲郡山水無塵泥鐵  
馬萬霜雪絳旗千虹蜺風漪參差泛石板重疊躋舊淚  
不復墮新歡居然齊還耕竟原野歸老相扶攜物色增  
曖曖寒芳更萋萋淵清有遐畧高躅無近蹊

一作衆賦  
無暴掠與

歌有安綏即此富蒼翠自然引翔棲曩遊常抱憶夙好今尚

睽願言從逸轡暇日凌清溪

贈鄭夫子魴

天地入胷臆吁嗟生風雷文章得其微物象由我裁宋  
玉逞大句李白飛狂才苟非聖賢心孰與造化該勉矣  
鄭夫子驪珠今始胎

大隱坊三首

崔從事郎以直隲職

一作官

古人留清風千載遙贈君破松見貞心裂竹看直文殘  
月色不改高賢德常新家懷詩書富宅抱草木貧安得  
一蹄泉來化千尺鱗含意永不語釣璜幽水濱

章仇將軍良棄功守貧

飲君江海心詎

一作誰

能辨淺深揖君山岳德誰能齊欽

岑東海精為月西岳氣凝金進則萬景晝

一作盡

退則羣

物陰我欲薦此言天門峻沈沈風飈亦感激為我颺颺

吟

趙記室倅在職無事

卑靜身後老高動物先摧方圓水任器剛勁木成灰大  
道母羣物達人腹衆才時吟堯舜篇心向無為開彼隱  
山萬曲我隱酒一杯公庭何所有日日清風來

贈韓郎中愈二首

何以定

一作結

交契贈君高山石何以保貞堅贈君青松

色貧居

一作交

過此外無可相彩飾聞君碩鼠詩吟之淚

空滴

碩鼠既穿墉又噬機上絲穿墉有閑一作餘土噬絲無餘

衣朝吟枯桑柘暮泣穿杼機豈是無巧妙絲斷將何施

衆人上肥華志士多饑羸願君保此節一作願保此貞節天意

當察微一本連上作一首

前日遠別離今日生白髮欲知萬里情曉卧半牀月常

恐百蟲秋使我芳草歇一本無此篇

戲贈无本二首

長安秋聲乾木葉相號悲瘦僧卧冰凌嘲一作吟詠含金

痕金痕非戰痕峭病方在茲詩骨聳東野詩濤湧退之  
有時踉蹌行人驚鶴阿師可惜李杜死不見此狂癡

燕僧聳聽詞袈裟喜新翻北岳厭利殺玄功生微言天  
高亦可飛海廣亦可源文章杳無底斲掘誰能根夢靈  
髣髴到正我方與論拾月鯨口邊何人免為吞燕僧擺  
造化萬有隨手奔補綴雜霞衣笑傲諸貴門將明文在  
身亦爾

一作示

道所存朔雪凝別句朔風飄征魂再期嵩

少遊一訪蓬羅村春草步步綠春山日日喧遙鶯相應



吟晚聽恐不繁相思塞心胃高逸難攀援

孟東野詩集卷六

欽定四庫全書

孟東野詩集卷七

唐 孟郊 撰

懷寄

寄張籍

夜鏡不照物朝光何時昇黯然秋思來

一作暗然  
愁氣來

走入

志士膺志士惜時逝一宵三四興清漢徒自朗濁河終  
無澄舊愛忽已遠新愁坐相凌君其隱壯懷我亦逃名  
稱古人貴從晦君子忌黨朋傾敗生所競保全歸矐矐

一作苦情 浮雲何當來潛虬會飛騰

憶周秀才素上人時聞各在一方

東西分我情 魂夢安能定 野客雲作心 高僧月為性 浮雲自高閑 明月常空淨 衣敝得古風 居山無俗病 吟聽碧雲語 手把青松柄 羨爾欲寄書 飛禽杳難倩

舟中喜遇從叔簡別後寄上時從叔初擢第歸江南郊不從行

一意兩片雲暫合還却分南雲乘慶歸北雲與誰羣寄

聲千里風相喚聞不聞

懷南岳隱士二首

見說祝融峯擎天勢似騰藏千尋布水出十八高僧古  
路無人跡新霞吐石稜終居將爾叟一一共余登  
千峯映碧湘真叟此中藏飯不煑石喫眉應似髮長楓  
裡檣酒甕鶴虱落琴牀強效忘機者斯人尚未忘

春夜憶蕭子真

半夜不成寐燈盡又

一作夕

無月獨向堦前立子規啼不

歌況我有金蘭忽爾為胡越爭得明鏡中久長無白髮

寄院中諸公

奕奕秋水傍駸駸綠雲蹄月仙有高曜靈鳳無卑棲翠  
色遠雲谷碧華凝月溪竹林遮歷覽雲寺行攀躋冠豸  
猶屈蠓匣龍期剗犀千山驚月曉百里聞霜輦戎府多  
秀異謝公期相攜因之仰羣彥養拙固難齊

寄汝州李大夫

自從薊師反中國事紛紛儒道一失所賢人多在軍鳥

巢憂迸射鹿耳駭驚聞劍折唯恐

一作怨

匣一作匠

弓貪不

讓勲方知省事將動必謝前羣鶴陣常先罷魚符最晚  
分步閑沼水曲笑激太行雲詩叟未相識竹兒爭見君  
殷勤越談說記盡古風文

### 寄盧虔使君

霜露再相換遊人猶未歸歲新月改色客久線斷衣有  
鶴冰在翅竟久力難飛千家舊素沼昨日生綠輝春色  
若不

一作可

借為君步芳非

寄崔純亮

百川有餘水大海無滿波  
器量各相懸賢愚不同科  
羣辯有姿語衆歡無一作有  
行歌唯餘洛陽子鬱鬱恨常多  
時讀過秦篇為君涕滂沱

汴州離亂後憶韓愈李翱

會合一時哭別離三斷腸  
殘花不待風春盡各飛揚  
歡去收不得悲來難自防  
孤門清館夜獨臥明月牀  
忠直血白刃道路聲蒼黃  
食恩三千士一旦為豺狼  
海島士



皆直夷門士非良人心既不類天道亦反常自殺與彼  
一作被殺未知何者臧

寄張籍

未見天子面不如雙盲人賈生對文帝終日猶悲辛夫  
子亦如盲所以空泣麟有時獨齋心髣髴夢稱臣夢中  
稱臣言覺後真埃塵東京有眼富不如西京無眼貧西  
京無眼猶在耳隔牆時聞天子車聲之鱗鱗鱗車聲  
輾冰玉南郊壇上禮百神西明寺後窮瞎張大祝縱爾

有眼誰爾珍天子只尺不得見不如閉眼且養真

寄義興小女子

江南莊宅淺所固唯疎籬小女未解行酒第

一作病叔

老更

癡家中多吳語教爾遙可知山恠夜動門水妖時弄池  
所憂癡酒腸不解委曲辭漁妾性崛強耕童手皴皴想  
茲為襁褓如鳥拾柴枝我詠元魯山胃臆流甘滋終當  
學自乳起坐常相隨

憶江南弟

白首眼垂血望爾唯夢中筋力強起時魂魄猶在東眼  
光寄明星起來東望空望空不見人江海波無窮衰老  
無氣力呼叫不成風子然憶憶言落地何由通常師共  
被教竟作生離翁生離不可訴上天亦曾聰未忍對松  
栢自鞭殘朽躬自鞭亦何益知教非所崇努力拄杖來  
餘活與爾同不然死後恥遺死亦有終

宿空姪院寄澹公

夜坐冷竹聲二三高人語燈窓看律鈔小師別為侶雪

簷晴滴滴茗椀華舉舉磬音多風飈聲韻聞江楚官街  
不相隔詩思空愁予明日策杖歸去住兩延佇

寄陝府鄧

一作  
寶

給事

陝城臨大道館宇屹幾鮮候謁隨芳

一作  
方

語鏗詞芬蜀

牋從來鏡目下見盡道心前自謂古詩量異

一作  
異

將新

學偏憊人年六十每月請三千不敢等閑用願為長壽  
錢非關亦潔爾將以救羸然孤省癡皎皎默吟寫綿綿  
病書憑晝日驛信寄宵鞭疾訴將何喻肆鱗今倒懸塵

鯉見枯浪土鬣思乾泉感感無緒蕩愁愁作闕邊貞元

文祭酒

即陽公

比謹學韋玄滿座無風雜當朝雅獨全見

知囑徐孺

即徐端公

賞句類陶淵一顧生鴻羽再言將鶴翩

宣陽隘車馬君子湊駢闐曾是此同睽至今應賜憐磨  
墨零落淚楷字貢仁賢

送諫議十六叔至孝義渡後奉寄

曉渡明鏡中霞衣相飄颻浪鳧驚亦雙蓬客將誰僚別  
飲孤易醒離憂壯難銷文清雖無敵儒貴不敢驕江吏

捧紫泥海旗翦紅蕉分明太中禮跨躡毘陵橋伊洛去  
未迴遐矚空寂寥

至孝義渡寄鄭軍事唐二十五

咫尺不得見心中空嗟嗟官街泥水深下脚道路斜  
嵩少玉峻峻伊雒碧華華岸亭當四迴詩老獨一家

一作

浦叟何所如鄭食唯有些何當來說事為君開流霞

酬荅

荅友人

白日照清水淺深無隱姿君子業高文懷抱多正思砥  
行碧山石結交青松枝碧山無轉易青松難傾移落落  
出俗韻琅琅大雅詞自非隨氏掌明月安能持千里不  
可倒一返無近期

一作一別  
無迴期

如何非意中良覲忽在茲

道語必疎淡儒風易凌遲願存堅貞節勿為霜霰欺

### 酬友人見寄新文

為客棲未定況當玄月中繁雲翳碧霄落雪和清風郊  
陌絕行人原隰多飛蓬耕牛返村巷野鳥依房櫬我無

饑凍憂身託蓮花宮安閑賴禪伯復得疎塵蒙覽君郢  
曲文詞彩何沖融謳吟不能已頓覺形神空

荅韓愈李觀別因獻張徐州

畱別愁在顏貧別愁銷骨懶磨舊銅鑑畏見新髮白古  
樹春無花子規啼有血離絃不堪聽一聽四五絕世途  
非一險俗慮有千結有客步大方驅車獨迷轍故人韓  
與李逸翰雙皎潔哀我摧折歸贈詞縱橫設徐方國東  
樞元戎天下傑一作衛投刺遊王粲吟詩謁高情無



遺照朗

一作明

抱開曉月有土

一作在七

不埋冤有讎皆為雪

願為直

一作奇

草木永向君地列願為古琴瑟永向君聽

一作前

發欲識丈夫心曾將孤劍說

荅書上人止讒作

烈烈驚驚吟鏗鏗琅玕音梟摧明月嘯鶴起清風心渭  
水不可渾涇流徒相侵俗侶唱桃葉隱仙士一作鳴桂琴  
子野真遺却浮淺藏淵深

荅姚愬見寄

日月不同光晝夜各有宜賢哲不苟合出處亦待時而  
我獨迷見意求異士知如將舞鶴管誤向驚鳧吹大雅  
難具陳正聲易漂淪君有丈夫淚泣人不泣身行吟楚  
山下一作玉義淚沾衣巾

荅郭郎中

松栢死不變千年色青青志士貧更堅守道無異營每  
彈瀟湘瑟獨抱風波聲中有失意吟知者淚滿纓何以  
報知者永存堅與貞

荅盧虔故園見寄

訪舊無一人獨歸清雒春花開

一作開

哭聲死水見別容

新亂後故鄉宅多為行路塵因悲楚左右謗玉不知珉

汝墳蒙從弟楚材見贈時郊將入秦楚材適楚

朝為主人夕作行客吟汝水忽淒咽汝風流苦音北

闕秦門高南路

一作山

楚石深分淚灑白日離腸繞青岑

何以寄遠懷

一作我書

黃鶴能相尋

同從叔簡酬盧殷少府

梅尉吟楚聲竹風為淒清深虛冰在性高潔雲入情借  
水洗閑貌寄蕉書逸名羞將片石文闢此雙瓊英

酬李侍御書記秋夕雨中病假見寄

秋風遶衰柳遠客聞雨聲重茲阻良夕孤坐唯積誠果  
枉移疾詠中含嘉慮明洗滌煩濁盡視聽昭曠生未覺  
衾枕倦久一作文為章奏嬰達人不寶一作保藥所保在閑  
情

答盧仝

楚屈入水死詩孟踏雪僵直氣苟有存死亦何所妨日

劈高查牙清稜含冰漿前古後古冰與山氣勢強閃恠

千石形異狀安可量有時春鏡破百道聲飛揚潛仙

一作

山不足言朗

一作期

客無隱腸為君傾海宇日夕多文章

天下豈無緣此山雪昂藏煩君前致詞哀我老更狂狂

歌不及狂歌聲緣鳳凰鳳兮何當來消我孤直瘡君文

真鳳聲宣隘滿鏗鏘洛友零落盡逮茲悲重傷獨自奮

一作有

異骨將騎白

一作玉

角翔再三勸莫行寒氣有刀槍

仰慙君子多慎勿作芬芳

奉報翰林張舍人見遺之詩

百蟲笑秋律清削月夜聞曉稜視聽微風翦葉已紛君  
子鑒大雅老人非俊羣收拾古所棄俛仰補空文孤韻  
恥春俗餘響逸零露自然蹈終南滌暑凌寒氛巖霰不  
知午澗漸鎮含曛曾是醒方醉所以多隱淪江調樂之  
遠溪謠生徒新衆蘊有餘採寒泉空哀呻南謝竟莫至  
北宋當時珍蹟靈各自異酌酒

一作聖

誰能均昔詠多寫

諷今詞詎無因品松位何高宮殿

一作翠宮

沒荒榛苔趾識

宏製沙濼遊崩津忽吟陶淵明此即羲皇人心放出天  
地形拘在風塵前賢素行階夙嗜青山勤達士立明鏡  
朗言為近臣將期律萬有傾倒甄無垠驚驚應蟋蟀絲  
毫意皆申況於三千章哀叩不為神

### 送別上

### 送從弟郢東歸

爾去東南夜我無西北夢誰言貧別易貧別愁更重曉

色奪明月征人逐羣動秋風楚濤高旅榜將誰共

山中送從叔簡赴舉

石根百尺杉山眼一片泉倚

一作亭

之道氣高飲之詩思

鮮於此逍遙場忽奏別離絃却笑薜蘿子不同鳴躍年

送別崔寅亮下第

天地唯一氣用之自偏頗憂人成苦吟達士為高歌君

子識

一作誠

不淺桂枝幽更多歲晏期攀折時歸且婆娑

素質如削

一作荆

玉清詞若傾

一作天

河虬龍未化時魚鼈



同一波去矣當自適故鄉饒薜蘿

大梁送柳淳先入關

青山輟為塵白日無閑人自古推高車爭利西入秦王

門與侯門待富不待貧空攜一束書去去誰相親

一作空貴

一束書獨去將誰親

送無懷道士遊富春山水

一作送別吳逸士歸山

造化絕

一作見

高處富春獨多觀山濃翠消灑

一作的礫

水折

珠摧殘溪鏡不隱髮樹衣長遇

一作紫

寒風猿虛空飛月

狄叫嘯酸信此神仙路

一作樂

豈為時俗安黃金陰陽火

一作芙蓉水

因怪星宿壇花發我

一作或

未識玉生忽藪攢蓬

萊浮蕩漾非道相從難

送溫初下第

日落濁水中夜光誰能分  
高懷無近趣清抱多遠門  
欲識丈夫志心藏孤岳雲  
長安風塵別咫尺不見君

送盧虔端公守復州

師曠聽羣木自然識孤桐  
正聲逢知音願出太朴中  
知

音不韻俗獨立占

一作上

古風忽挂觸邪冠逮逐南飛鴻

肅肅太守章明明華轂熊商山無平路楚水有驚濤日  
月千里外光陰難載同新愁徒自積良會何由通

送任齊二秀才自洞庭遊宣城

任載齊古井序

文章者賢人之心氣也心氣樂則文章正心氣非則文  
章不正當正而不正者心氣之偽也賢與偽見於文章  
一直之詞衰代多禍賢無曲詞文章之曲直不由於心  
氣心氣之悲樂亦不由賢人由於時故今宣州多君子

閑暇而寬文章之曲直纖微悉而備舉洞庭二客勉而  
客去之鼓其風波之詞吾知夫樂莫是行也遂為詩曰  
洞庭非人境道路行虛空二客月中下一帆天外風魚  
龍波五色金碧樹千叢閃怪如可懼在誠無不通扣奇  
驚浩淼採異訪穹崇物表積高韻人間訪仙公宣城文  
雅地謝守聲問融證玉易為力辨珉誰不同從茲阮籍  
淚且免泣途窮

送曉公歸庭山

一作歸  
稽亭

庭山

一作  
指亭

何崎嶇寺路緣翠微秋霽山盡出日落人獨

歸雲生高高步泉灑田田衣枯巢無還羽新水有爭飛

茲馬不可繼夢寐空清輝

送豆盧策歸別墅

短松鶴不巢高石雲不

一作  
始

栖君今

一作  
為

瀟湘去意

一作

性

與雲鶴齊力買奇險地手開清淺溪身披薜荔衣

一作

薜蘿  
襟

山陟莓苔梯一卷冰雪文避俗常自攜

送清遠上人歸楚山舊寺

一作國清  
上人遊蘇

波中出吳境霞際登楚岑水寺一別來雲蘿三改陰詩  
誇碧雲句道證青蓮心應笑泛萍者  
一作應憐  
萍泛者不知松  
隱深

山中送從叔簡

莫以手中瓊言邀世上名莫以山中迹久向人間行松  
栢有霜操風泉無俗聲應憐枯朽質驚此別離情

送蕭鍊師入四明山

閑於獨鶴心大於高松年迴出萬物表高棲四明巔千

尋直裂峯百尺倒瀉泉絳雪為我飯白雲為我田靜言

不語

一作話

俗靈蹤時步天

孟東野詩集卷七



欽定四庫全書

孟東野詩集卷八

唐 孟郊 撰

送別下

感別送從叔校書簡再登科東歸

長安車馬道高槐

一作柳

結浮陰下有名利人一人千萬

心黃鵠多遠勢滄溟無近潯怡怡靜退姿泠泠思歸吟  
菱唱忽生聽芸書迴望深清風散言笑餘花綴衣襟獨  
恨魚鳥別一飛將一沈

送玄亮師

蘭泉滌我襟杉月棲我心茗啜

一作味

綠淨花經誦清柔

音何處笑為別淡情愁不侵

送李尊師玄

口誦碧簡文身是青霞君頭冠兩片月肩

一作身

披一條

雲松骨輕自飛鶴心高不羣

同畫上人送郭

一作郭

秀才江南尋兄弟

地

一作池

上春色生眼前詩彩明手攜片寶月言是高僧

名溪轉萬曲心

一作石

水流千里聲飛鳴向誰去江鴻弟

與兄

春日同韋郎中使君送鄒儒立少府扶侍赴雲

陽

離思著百草綿綿生無窮側聞畿甸秀三振詞策雄太

守不韻俗諸生皆變風郡齋敞西清楚瑟驚南鴻海畔

帝

一作高

城望雲陽天色中酒酣正芳景詩綴新碧叢服

綵老萊並侍車江革同過隨柳顚顚入洛花蒙籠高步

詎留足前程在層空獨慙病鶴羽飛送力難崇

送從叔校書簡南歸

一作東遊

長安離別道宛在東城隅寒草根未死愁人心已枯促  
促水上景遙遙天際途生隨昏曉中皆被日月驅北騎  
達一作驥達山岳南帆指江湖高蹤一超越千里在須臾

送韓愈從軍

志士感恩起變衣非變性親賓改舊觀僮僕生新敬坐  
作羣書吟行為孤劍詠始知出處心不失平生正淒淒

天地秋凜凜軍馬令驛塵時一飛物色極四靜王師既不戰廟畧在無競王粲有所依元瑜初應命一章喻檄明百萬心氣定今朝旌鼓前笑別丈夫盛

同茅郎中使君送河南裴文學

河南有歸客江風繞行襟送君無塵聽舞鶴清瑟音菱蔓綴楚棹日華正嵩岑如何謝文學還起會雲一作長吟

送李翱習之

習之勢翩翩東南去遙遙贈君雙履足一為上臯橋臯

橋路逶迤碧水清風飄新秋折藕花應對吳語嬌千巷  
分淥波四門生早潮湖榜輕裊酒旗高寥寥小時展  
齒痕有處應未銷舊憶如霧星恍見於夢消言之燒人  
心事去不可招獨孤宅前曲筇篻醉中謠壯年俱悠悠  
逮茲各焦焦執手復執手唯道無枯凋

送丹霞子阮芳顏上人歸山

松色不肯秋玉性不可柔登山須正路飲水須直流倩  
鶴附書信索雲作衣裘仙村莫道遠枉策招交遊

送從舅端適楚地

歸情似泛空飄蕩楚波中羽扇掃輕汗布帆篩細風江  
花折菡萏岸影泊梧桐元舅唱離別賤生愁不窮

送盧汀侍御歸天德幕

仲宣領騎射結束皆少年匹馬黃河岸射鵬清霜天旌  
旗防日北道路上雲巔古雪無銷鑠新冰有堆填清溪  
徒聳誚白壁自招賢豈比重思者閉門方獨全

送草書獻上人歸廬山

狂僧不為酒狂筆自通天將書雲霞片直至清明巔手  
中飛黑電象外瀉玄泉萬物隨指顧三光為迴旋驟書  
雲靈霽洗硯山晴鮮忽怒畫地虺噴然生風煙江人願  
停筆驚浪恐傾船

和薛先輩送獨孤秀才上都赴嘉會

得青字

秦雲攀窈窕楚桂擣芳馨五色豈徒爾萬枝皆有靈仙  
謠天上貴林詠雪中青持此一為贈送君翔杳冥

送崔爽之湖南



江與湖相通二水洗高空定知一日帆使得一作竭千里

風雪唱與誰和俗情多不通何當逸翮一作逸飛起鵠迹

泥沙中

送超上人歸天台

天台山最高動躡赤一作仙城霞何以靜雙目掃山除妄

花何以潔其性一作鑒形影滌泉去泥沙靈境物皆直萬松

無一斜月中見心近雲外將世賒山獸護方丈山猿捧

袈裟遺身獨得身笑我牽名華

同李益崔放送王鍊師還樓觀兼為羣公先營

山居

十一作

年白雲士一卷紫芝書來結崆峒侶還期縹緲

居霞冠遺彩翠月

一作丹

帔上空虛寄謝泉壽水清冷閑

有餘

張徐州席送岑秀才

振振芝蘭步昇自君子堂冷冷松桂吟生自楚客腸羈  
鳥無定棲驚蓬在他鄉去茲門館閑即彼道路長雨餘

山川淨麥熟草木涼楚淚滴章句京塵染衣裳贈君無  
餘他久要不可忘

送黃構擢第後歸江南

澹澹滄海氣結成黃香才幼齡思奮飛弱冠遊靈臺一  
鶚顧喬木衆禽不敢猜一驥騁長衢衆獸不敢陪遂得  
會風雨感通如雲雷至矣小宗伯確乎心不回能令幽  
靜人聲實喧九垓却憶江南道祖筵花裏開春風不能  
別別罷空徘徊

送道士

十年山上行山上無遺蹤一日人間遊六合人皆逢自  
有意中侶白寒徒相從

送孟寂赴舉

烈士不憂身為君吟苦辛男兒久失意寶劍亦生塵浮  
俗官是貴君子道所珍况當聖明主豈乏證玉臣濁水  
無白日清流鑒蒼旻賢愚皎然別結交當有因

同溧陽宰送孫秀才

廢瑟難為絃南風難為歌幽幽拙疾中忽忽浮夢多清  
韻始嘯侶雅言相與和訟閑每往招祖送奈若何牽苦  
強為贈邦邑光我我

溧陽唐興寺觀薔薇花同諸公餞陳明府

忽驚紅琉璃千艷萬艷開佛火不燒物淨香空徘徊花  
下印文字林間詠觴杯羣官餞宰官此地車馬來

送柳淳

青山臨黃河下有長安道世上名利人相逢不知老

送殷秀才南遊

詩句臨

一作滿

離袂酒花薰別顏水程千里外岸泊幾宵

間風葉亂辭木雪猿清叫山南中多

一作高

古事詠遍始

應還

送青陽上人遊越

秋風吹白髮微宦自蕭索江僧何用歎溪縣饒寂寞楚  
思物皆清越山勝非薄時看鏡中月獨向衣上落多謝  
入冥鴻笑予在籠鶴

奉同朝賢送新羅使

淼淼望遠國一萍秋海中  
恩傳日月外夢在波濤東  
浪興豁胃臆泛程舟虛空  
既茲吟仗信亦以難私躬  
實怪賞不足異鮮悅多叢  
安危所繫重征役誰能窮  
彼俗媚文史聖朝富才雄  
送行數百首各以鏗竒工  
冗隸竊抽韻孤屬思將同

留弟郢不得送之江南

剛有下水船白日留不得  
老人獨自歸苦淚滿眼黑

送陸暢歸湖州因憑題

一作  
吊

故人皎然塔陸羽

墳

渺渺雪寺前白蘋多清風昔遊詩會滿今遊詩會空孤

詠玉淒惻遠思景蒙籠杼山塲塔禪竟陵廣

一作  
曠

宵翁

饒彼草木聲騷騷聞餘聰因君寄數句遍為書其叢追

吟當時說來者實不窮江調難再得京塵徒滿躬送君

溪駕騫彩色雙飛東東多高靜鄉芳宅冬亦崇手自撚

甘旨供養歡沖融待我遂前心收拾使有終不然洛岸亭



歸死為大同

送淡公十二首

燕本冰雪骨

一作操

越淡蓮花風五言雙寶刀聯響高飛

鴻翰苑錢舍人詩韻磴雷公識本未識淡仰詠嗟無窮  
清恨生物表朗玉傾夢中常於冷竹坐相語道意沖嵩  
洛興不薄稽江事難同明年若不來我作黃蒿翁何以  
兀其心為君學虛空

坐愛青草上意含滄海濱渺渺獨見水悠悠不問人鏡

浪洗手綠刺花入心春雖然防外觸無奈饒衣新行當  
譯文字慰此吟殷勤

銅斗飲江酒手拍銅斗歌儂是拍浪兒飲則拜浪婆脚  
踏小船頭獨速舞短蓑笑伊漁陽操空恃文章多閑倚  
青竹竿白日奈我何

短蓑不怕雨白鷺相爭飛短楫畫菰蒲鬪作豪橫歸笑  
伊水健兒浪戰求光輝不如竹枝弓射鴨無是非

射鴨復射鴨鴨驚菰蒲頭鴛鴦亦零落彩色難相求儂

是清浪兒每踏清浪遊笑伊鄉貢郎踏土稱風流如何  
卅角翁至死不裹頭

師得天文章所以相知懷數年伊雒同一旦江湖垂江  
湖有故莊小女啼嗒嗒我憂末相識乳養難和諧幸以  
片佛衣誘之令看齋齋中百福言催促西歸來

伊洛氣味薄江湖文章多坐緣江湖岸意識一作纖鮮明

波銅斗短叢行新章其奈何茲焉激切句非是等閑歌

製一作學之附驛迴勿使餘風訛都城第一寺昭成屹嵯

峨為師書廣壁仰詠時經過徘徊相思心老淚雙滂沱

江南邑中寺

一作寺  
邑古

平地生勝山開元吳語僧律韻高

且閑妙樂溪岸平挂榜復往

一作  
往復

還樹石相鬪生紅綠

各異顏風味我遙憶新竒師獨攀

報恩兼報德寺與山爭鮮

一作  
先

橙橘金蓋檻竹蕉綠凝

禪經童音韻細風磬清泠翩離腸繞師足舊憶隨路延

不知幾千尺至死方綿綿

鄉在越鏡中分明見歸心鏡芳步步綠鏡水日日深異

剌碧天上古香清桂岑朗約徒在昔章句忽盈今幸因  
西飛葉書作東風吟落我病枕上慰此浮恨侵

牽師袈裟別師斷袈裟歸問師何苦去感吃言語稀意  
恐被詩餓欲住將底依盧殷劉言史餓死君已噫不忍  
見別君哭君他是非

詩人苦為詩不如脫空飛一生空驚氣非諫復非譏脫  
枯掛寒枝葉如一唾微一步一步乞

一作示

半片半片衣

倚詩為活計從古無多肥詩饑老不怨勞師淚霏霏

送魏端公入朝

東洛尚淹翫西京足芳妍大賓威儀肅上客冠劍鮮  
豈惟空戀闕亦以將朝天局促塵末吏幽老病中絃徒懷  
青雲價忽至白髮年何當補風教為荐三百篇

送盧郎中汀

洛水春渡濶別離心悠悠一生空吟詩不覺成白頭向  
事每計較與山實綢繆太華天上開其下車轍流縣街  
無塵土過客多淹留坐飲孤驛酒行思獨山遊逸關嵐

氣明照渭空，漪浮玉珂擺。  
新歡聲與鸞鳳傳，朝謁大家  
事唯余去無由。

送鄭僕射出節山南

一作酬鄭興  
元僕射招

國老出為將，紅旗入青山。  
再招門下生，結束餘病孱。  
自笑騎馬醜，強從驅馳間。  
顧顧一作傾磨天路，裊裊鏡下顏。

文魄既飛越，宦情唯等閑。  
羨他白面少，多是清朝班。  
惜命非所報，慎行誠獨艱。  
悠悠去住心，兩說何能刪。

別妻家

芙蓉濕曉露秋別南浦中鴛鴦卷

一作有

新贈遙戀東牀

空碧水不息浪清溪易生風參差坐

一作路

成阻飄飄去

一作恨

無窮孤雲目雖斷明月心相通私情詎銷鑠積芳

在春叢

贈姚怱別

美人廢琴瑟不是無巧彈聞君郢中唱始覺知音難驚蓬無還根馳水多分瀾倦客厭出門疲馬思解鞍何以寫此心贈君握中丹



贈竟陵盧使君虔別

赤日千里火，火中行子心。  
孰不苦焦灼，所行為貧侵。  
山木豈無涼，猛獸蹲清陰。  
歸人憶一作懷平坦，別路多嶮嶽。

賴得竟陵守，時聞建安吟。  
贈別折楚芳，楚芳一作芳色搖衣襟。

與韓愈李翱張籍話別

朱絃奏離別，華燈少光輝。  
物色豈知異，人心願將違。  
客程殊未已，歲華忽一作已微秋。  
桐故葉下寒露，新鴈飛。

遠遊起重恨送人念先歸夜集類饑鳥晨光失相依馬  
跡遶川水鴈書還一作妻閨闈常恐親朋阻獨行知慮  
非

監察十五叔東齋招李益端公會別

欲知惜別離瀉水還清池此地有君子芳蘭步葳蕤手

掇一作綴

雜英一作彩

珮意搖春夜

一作夢

思莫作遶山雲循

環無定期

汴州別韓愈

不飲濁水瀾空滯此汴河坐見遶岸冰

一作水

盡為還海

波四時不在家弊服斷線多遠客獨顛顛春英落

一作各

婆娑汴水饒曲流野桑無直柯但為君子心歎息

一作歎之

終非他

贈別殷山人說易後歸幽墅

夫子說天地若與靈龜言幽幽人不知一一予所敦秋

月吐白夜涼風韻清源旁通忽已遠神感寂不喧一悟

祛萬結夕懷傾朝煩旅輶

一作鞍

無定

一作亭

波別馬嘶去


韓殷勤荒草士會有知己論

壽安西渡奉別鄭相公二首

洛河向西道石波橫磷磷清風送君子車遠無還塵春  
別亦蕭索况茲冰霜晨零落景易入鬱抑抱難申百宵  
華燈宴一旦星散人歲去絃吐箭憂來蠶抽綸綿綿無  
窮事各各馳遶身徘徊黃縹渺倏忽春霜賓相為物表  
物永謝區中姻日嗟來教士仰望無由親

東都清風減君子西歸朝獨抱歲晏恨泗吟不成謠貴

遊意多味賤別情易消迴鴈憶前叫浪鳧念後漂悠悠  
孤飛景聳聳銜霜條味趣多滯澀一作趾懶朋寡新僚病  
深理方悟悔至心自燒寂靜道何在憂勤學空饒乃知  
減聞見始遂情逍遙文字徒營織聲華諒疑驕顧慙耕  
稼士朴略氣韻調善士有餘食佳畦冬生苗養人在養  
身此旨清如韶願貢高古言敢望錫類招



孟東野詩集卷八

欽定四庫全書

集部

孟東野詩集卷十九

詳校官監察御史<sub>臣</sub>范衷

檢討<sub>臣</sub>何思鈞覆勘

覆校官中書<sub>臣</sub>王慶長

校對官中書<sub>臣</sub>王鍾泰

謄錄監生<sub>臣</sub>熊瀛

欽定四庫全書

孟東野詩集卷九

唐 孟郊 撰

詠物

宇文秀才齋中海柳詠

玉縷青葢蕤結為芳樹  
姿忽驚明月鈎鈎出珊瑚  
枝灼灼不死花  
蒙蒙長生絲  
飲酎況一作泛仙味  
詠蘭擬一作凝

古詞霜風清颼颼與君長相思

搖柳

一作採柳



弱弱本易驚看看勢難定因風似醉舞盡日不能正時  
邀詠花女笑輟春粧鏡

曉鶴

曉鶴彈古舌婆羅門叫音應吹天上律不使塵中尋虛  
空夢皆斷歆啼安能禁如開孤月口似說明星心既非  
人間韻枉作人間禽不如相將去碧落窠巢深

和薔薇花歌

仙機札札

一作  
軋軋

織鳳凰花開七十有二行天霞落地攢

紅光風枝嫋嫋時一颺飛散葩馥遶空王忽驚錦浪洗  
新色又似宮娃逞粧飾終當一使移花一作老根還比蒲  
桃天上植

邀人賞薔薇

蜀色庶可比楚叢亦應無醉紅不自力狂豔如索扶麗  
藥惜未掃宛枝長更紆何人是花侯詩老強相呼

和宣州錢判官使院廳前石楠樹

太朴既一剖衆材爭萬殊懿茲南海華來與北壤俱生

長如自惜雪霜無凋渝籠籠抱靈秀簇簇抽芳膚寒日

吐再艷頰子流細珠駕鵞花數重翡翠葉四鋪雨洗新

粧色一枝如一姝聳異敷庭際傾妍來坐隅散彩飾机

案餘輝盈盤孟高意

一作立

因

一作自

造化常情逐榮枯主

公方寸中陶植在須臾養此奉君子賞覲日為娛始覺

石楠詠價傾賦兩

一作西

都棠頌庶可比桂詞難以踰因

謝丘墟木空採

一作採

落泥塗時來聞佳姿道去卧枯株

爭芳無由緣受氣如鬱紆抽肝在郢匠歎息何踟躕

酬鄭毗躑躅詠

不似人手致豈關地勢偏孤光裊餘翠獨影舞多妍迸  
火燒閑地紅星墮青天忽驚物表物嘉客為留連

品松

追悲謝靈運不得殊常封縱然孔與顏亦莫及此松此  
松天格高聳異千萬重孤擎巨靈手擘裂少室峯擘裂  
風雨擥抓擎指爪臍道入難抱心學生易墮蹤時時數  
點仙嫋嫋一線龍霏微嵐浪際遊戲顥興濃品松徒高

高雌鳴

一作鴻

詎噍噍賞異尚可貴賞潛誰能容名華非

典實翦棄徒纖葺刻削大雅文所以不敢慵

荅李員外小榼味

一拳芙蓉水傾玉何泠泠仙清風已高詩味今更馨試  
啜月入骨再銜愁盡醒荷君道古誠使我善飛

一作振翎

井上枸杞架

深鎖銀泉甃高葉架雲空不與凡木並自將仙蓋同影  
疎千點月聲細萬條風迸子鄰溝外飄香客位中花杯

承此飲椿歲小無窮

蜘蛛諷

一作詠

萬類皆有性各各稟天和  
蠶身與汝身汝身何太訛  
蠶身不為已汝身不為他  
蠶絲為衣裳汝絲為網羅  
濟物幾無功害物日已多  
百蟲雖切恨其將奈爾何

蚊

五月中夜息饑蚊尚營營  
但將膏血求豈覺性命輕  
顧已寧自愧飲人以偷生  
願為天下惻一使夜景清

燭蛾

燈前雙舞蛾厭生何太切想爾飛來心惡明不惡滅天  
若百尺高應去掩明月

和錢侍郎甘露

玄天何以言瑞露青松繁忽見垂書跡還驚涌澧源春  
枝晨嫋嫋香味曉翻翻子禮忽來獻臣心固易敦清風  
惜不動薄霧肯蒙昏嘉晝色更晶仁慈久乃存一方難  
獨占天下恐爭論側聽飛中使重榮華

一作萃

德門從公

樂萬壽餘慶及兒孫

雜題

和令狐侍郎郭郎中題項羽廟

碧草凌古廟清塵鎖秋窻當時獨宰割猛志誰能降鼓  
氣雷作敵劒光電為雙新悲徒自起舊恨

一作懷舊

空浮江

讀張碧集

天寶太白歿六義已消歇大哉國風本喪而王澤竭先  
生今復生斯文信難缺下筆證興亡陳詞備風骨高秋



數奏琴澄潭一輪月誰作採詩官忍之不揮發

聽琴

颭颭微雨收翻翻橡

一作桐

葉鳴月沈亂峯西寥落二四

星前溪忽調琴隔林寒琤琤聞彈正弄聲不敢枕上聽

迴燭整頭簪漱泉立中庭定步履

一作展

齒深貌禪目冥

冥微風吹衣襟亦認宮徵聲學道三十年未免憂死生  
聞彈一夜中會盡天地情

聞夜啼贈劉正元

寄泣須寄黃河泉此中怨聲流徹

一作方到天

愁人獨有夜

燈見一紙鄉書淚滴穿

喜雨

朝見一片雲暮成千里雨淒清濕高枝散漫沾荒土

終南山下作

見此原野秀始知造化偏山村不假陰流水自

一作日

雨

田家家梯碧峯門門鎖青煙因思蛻骨人化作飛桂仙

觀種樹

種樹皆待春春至難久留君看朝夕花誰免別離愁心  
意已零落種之仍未休胡為好奇者無事自買憂

春後雨

昨夜一霎雨天意蘇羣物何物最先知虛庭草爭出

荅友人贈炭

青山白屋有仁人贈炭價重雙烏銀驅却坐上千重寒  
燒出爐中一片春吹霞弄日光不定暖得曲身成直身

爛柯石

仙界一日內人間千歲

一作載

窮雙碁未徧局萬物皆為

空樵客返歸路斧柯爛從風唯餘石橋在猶自凌丹虹

一作猶有

靈丹紅

### 尋言上人

萬里莓苔地不見驅馳蹤唯開文字憲時寫日月容竹  
韻漫蕭屑草花徒纖

一作蒙

茸披霜入衆木獨自識青松

### 噴玉布

去塵咫尺步山笑康樂巖天開紫石屏泉縷

一作鑊

明月

簾仙凝刻削跡靈綻雲霞纖悅聞若有待瞥見終無厭  
俗玩詎能近道嬉方可淹踏著不死機欲歸多浮嫌古  
醉今忽醒今求古仍潛古今相共失語默兩難恬贈君  
噴玉布一濯高嶄嶄

姑蔑城

勁越既成土強吳亦為墟皇風一已被茲邑信平居撫  
俗觀舊跡行春布新書興亡意何在綿歎空躊蹰

崢嶸嶺

疏鑿順高下結構橫煙霞坐嘯郡齋肅玩奇石路斜古  
樹浮綠氣高門結朱華始見崢嶸狀仰止逾可嘉

尋裴處士

涉水更登陸所尚皆清真寒草不藏徑靈峯知有人悠  
哉鍊金客獨與煙霞親曾是欲輕舉誰言空隱淪遠心  
寄白月一作日華髮迴青春對此歛勝事胡為勞我身

子慶詩

王家事已奇孟氏慶無涯獻子還生子義之又有之鳳

分且莫歎鯉也會聞詩小小豫章甲織織玉樹姿人來  
唯仰乳母抱未知慈我欲揀其養放麝者是誰

憩淮上觀公法堂

動覺日月短靜知時歲長自悲道路人暫宿空閑堂孤  
燭讓清晝紗巾斂輝光高僧積素行事外無剛強我有  
巖下桂願為爐中香不惜青翠姿為君一作師揚芬芳淮  
水色不汚汴流徒渾黃且將琉璃意淨綴一作吸芙蓉章

一作漿明日還獨行羈愁來舊腸

江邑春霖奉贈陳侍御

江上花木凍雨中零落春應由放忠直在此成漂淪嘉  
艷皆損污好音難殷勤天涯多遠限雪涕盈芳辰坐哭  
青草上卧吟幽水濱興言念風俗得意唯波鱗枕蓆病  
流濕簷楹苦飛津始知吳楚水不及京洛塵風浦蕩歸  
棹泥陂陷征輪兩途日無遂相贈唯沾巾

溧陽秋霽

晚雨曉猶在蕭寥激前階星星滿衰鬢耿耿入秋懷舊



識半零落前心驟相乖  
飽泉亦空醉惕宦肅如齋  
上客處華池下寮宅枯崖  
叩高占生物齟齬難回諧

列仙文

大霞霏晨暉元氣無常形  
玄轡飛霄外八景乘高  
清手把玉皇袂攜我晨中  
生一作挺玄庭一作挺自嘉會金書拆華名

賢女密所妍相期洛水軒

右方諸青童君

歛駕空青虛徘徊西華館  
瓊輪暨晨抄虎騎逐煙散  
惠

風振丹旌明燭朗八煥解襟墉房內神鈴鳴璫璨栖景  
若林柯九絃空中彈遺我積世憂釋此千載歎怡眄無  
極已終夜復待旦

右清虛真人

駕我八景輿歛然入玉清龍羣拂霄上虎旗攝朱兵逍遙  
三絃際萬流無暫停哀此去留會劫盡天地傾當尋無中  
景不死亦不生體彼自然道寂觀合大冥南嶽挺直幹玉  
英曜頽精有任靡期事無心有虛靈嘉會絳河內相與樂朱英

右金母飛空歌

丹霞煥上清八風鼓太和迴我神霄輦遂造嶺玉阿咄  
嗟天地外九圍皆我家上採白日精下飲黃月華靈觀  
空無中鵬路無間邪顧見魏賢安濁氣傷汝和勤研玄  
中思道成更相過

右安度明

夏日謁智遠禪師

吾師當幾祖說法云無空禪心三界外宴坐天地中院

靜鬼神去身與草木同因知護王國滿鉢盛毒龍斗藪  
塵埃衣謁師見真宗何必千萬劫瞬息去樊籠盛夏火  
為日一堂十月風不得為弟子名姓掛儒宮

訪嵩陽道士不遇

先生五岳遊文焰藏金鼎日下鶴過時人間空落影常  
言一粒藥不墮生死境何當列禦寇去問仙人請

聽藍溪僧為元居士說維摩經

古樹少枝葉真僧亦相依山木自曲直道人無是非手

持維摩偈心向居士歸空景忽開霽雪花猶在衣洗然  
水溪畫寒物生光輝

借車

借車載家具家具少於車借者莫彈指貧窮何足嗟百

年徒校

一作役

走萬事盡隨花

喜符郎詩有天縱

念符不由級屹得文章階白玉抽

一作描

一毫綠珉已難

排偷筆作文章乞墨潛磨揩海鯨始生尾試擺蓬壺渦

幸當禁止之勿使恣狂懷自悲無子嗟喜妬雙喈喈

憑周況先輩於朝賢乞茶

道意勿乏味心緒病無悰蒙茗玉花盡越甌荷葉空錦  
水有鮮色蜀山饒芳叢雲根纔翦綠印縫已霏紅曾向  
貴人得最將詩叟同幸為乞寄來救此病

一作窮

劣躬

上昭成閣不得於從姪僧悟空院嘆嗟

欲上千級閣問天三四言未盡數十登心目風浪翻手  
手把驚魄脚踏墜魂却流至舊手傍掣猶欲奔老病

但自悲古蠹木萬痕老力安可誇秋海萍一根孤瘦何  
所歸晝眼如黃昏常恐失好步入彼市井門結僧為親  
情策竹為子孫此誠徒切切此意空存存一寸地上語  
高天何由聞

魏博田興尚書聽婢命不立非夫人詩

君子耽古禮如饒魚吞鉤時聞敬婢言掣心東北流魏  
博田尚書與禮相綢繆善詞聞天下一日一再周

讀經

垂老抱佛脚教妻讀黃經經黃名小品一紙千明星曾  
讀大般若細感盼蠻聽當時把齋中方寸抱萬靈忽復  
入長安蹴踏日月寧老方却歸來收拾可丁丁拂拭塵  
机案開函就孤亭儒書難借索僧籤饒芳馨驛驛不開  
手鏗鏗聞異鈴得善如焚香去惡如脫腥安得顏子耳  
曾未如此聽聽之何有言德教貴有形何言中國外有  
國如海萍海萍國教異天聲各泠泠安排未定時心火  
競熒熒將如庶幾者聲盡形元冥



謝李輅再到

等閑拜日晚夫妻猶相瘡  
況是賢人寃何必哭飛揚  
昨夜夢得翎為君藏中腸  
會將當風烹血染布衣裳  
勞君又扣門詞句失尋常  
我不忍出廳血字濕土牆  
血字耿不滅我心懼惶惶  
會有鏗鏘夫見之目生光  
生光非等閑君其且安詳

忽不貧喜盧仝書船歸洛

貧孟忽不貧請問孟何如  
盧仝歸洛船崔嵬但載書  
江

潮清翻翻淮潮碧徐徐夜信為朝信朝信良卷舒江淮  
君子水相送仁有餘我去官色衫肩經入君廬喃喃肩  
經郎言語傾琪琚琪琚鏗好詞鳥鵲躍庭除書船平安  
歸喜報鄉里閭我願拾遺柴巢經於空虛下免塵土侵  
上為一作與雲霞居日月更相鎖道義分明儲不願空岩  
堯但願實工夫實空二理微分別一作明相起予經書荒  
蕪多為君勉勉鋤勉不敢專傳之方在諸

孟東野詩集卷九

欽定四庫全書

孟東野詩集卷十

唐 孟郊 撰

哀傷

弔國殤

徒言人最靈白骨亂縱橫如何當春死不及羣草生堯舜宰乾坤器農不器兵秦漢盜山岳鑄殺不鑄耕天地莫生金生金人競爭

弔比干墓

殷辛帝天下厭為天下尊乾綱既一斷賢愚無二門佞  
是福身本忠是喪已源餓虎不食子人無骨肉思日影  
不入地下埋冤死魂有骨不為土應作直木根今來過  
此鄉下馬吊此墳靜念君臣間有道誰敢論

弔元魯山十首

搏鰲有餘飽魯山長饑空豪人飫鮮肥魯山飯蒿蓬食  
名皆霸官食力皆堯農君子恥新態魯山與古終天璞  
本平一人巧生異同魯山不自剖全璞竟沒躬

一作  
窮

自剖多是非流濫將何歸奔競

一作損駁

立詭節凌侮爭怪

輝五常坐銷鑠萬類隨衰微以茲見魯山道蹇無所依  
君子不自蹇魯山蹇有因苟舍天地秀皆是天地身天  
地蹇既甚魯山道莫伸天地氣不足魯山食更貧始知  
補元化竟須得賢人

賢人多自竊道理與俗乖細功不敢言遠韻方始諧萬  
物飽為飽萬人懷為懷一聲苟失所衆憾來相排所以  
元魯山饑衰難與偕

遠階無近級造次不可昇賢人絜腸胃寒日空澄疑血  
誓竟訛繆膏明易煎蒸以之驅魯山疎迹去莫東

言從魯山宦盡化堯時心豺虎恥狂噬齒牙閉霜金

一作

針競來闢田土相與耕巖岑當宵無關鎖竟歲饒歌吟

善教復

一作履

天術美詞非俗箴精微自然事視聽不可

尋因書魯山績庶合簫韶音

簫韶太平樂魯山不虛作千古若有知百年幸如昨誰  
能嗣教化以此洗浮薄君臣貴深遇天地有靈索力運

既艱難德符方合莫名位苟虛曠聲明自銷鑠禮法雖  
相救貞濃易糟粕哀哀元魯山畢竟誰能度

當今富教化

一作聖朝  
禮嘉士

元后得賢相冰心鏡衰古霜議

清遐障幽埋盡光洗滯旅免流浪唯餘魯山名未獲旌  
廉讓二三貞苦士刷視聳危望髮秋青山夜目斷丹闕  
亮誘類幸從茲嘉招固非妄小生奏狂狷感惕增萬狀  
黃犢不知孝魯山自駕車非賢不可妻魯山竟無家供  
養恥他力言詞豈纖瑕將謠魯山德蹟海誰能涯



遺嬰盡離乳何況肉骨枝心腸結苦誠胃臆垂甘滋事  
已出古表誰言獨今奇賢人母萬物愷悌流前詩

哭李觀

志士不得老多為直氣傷阮公終日哭壽命固難長顏  
子既殂謝孔門無輝光文星落奇曜寶劍摧脩芒常作  
金應石忽為宮別商為爾弔琴瑟斷絃難再張偏轂不  
可轉隻翼不可翔清塵無吹噓委地難飛揚此義古所  
重此風今已亡自聞喪元賓一日八九狂沈痛此丈夫

驚呼彼穹蒼我有出俗韻勞君疾惡腸知音既已矣微

言

一作善

誰能彰旅葬無高墳栽

一作孤

松不成行哀歌動

寒日贈淚沾晨霜神理本窅窅

一作冥冥

今來更茫茫何以

蕩悲懷萬事付一觴

李少府廳吊李元賓遺字

元賓題少府廳云宿從叔宅有感有其義

而無其辭

零落三四字忽成千萬年那知冥冥客不有補亡篇斜

月弔空壁旅人難獨眠一生能幾時百慮來相煎戚戚

故交淚幽幽長夜泉已矣難重言一言一潸然

悼吳興湯衡評事

君生

一作在

霑水清君歿霑水渾空令骨肉情哭得白日

昏大夜不復曉古松長閉門琴絃綠水絕詩句青山存  
昔為芳春顏今為荒草根獨問冥冥理先儒未曾言

哀孟雲卿嵩陽荒居

戚戚抱幽獨晏晏沈荒居不聞新歡笑但覩舊詩書藝  
藥意彌苦耕山食無餘定交昔何在至戚今或疎薄俗

易銷歇淳風難久舒秋蕪上空堂寒槿落枯渠雜草恐  
傷蕙攝衣自理鋤殘芳亦可餌遺秀誰忍除徘徊未能  
去為爾涕漣如

哭盧貞國

一別難與期存亡易寒燠下馬入君門聲悲不成哭自  
能富才藝當真深榮祿皇天負我賢遺恨至兩目平生  
嘆無子家事親相囑

傷舊遊

去春會處今春歸花數不減人數稀朝笑片時暮成泣  
東風一向還西輝

弔房十五次卿少府

日高方得起獨賞些些春可惜宛轉鶯好音與他人昔  
年此氣味還走曲江濱逢著韓退之結交方殷勤蜀客  
骨目高聰辯劔戟新如何昨日歡今日見無因英奇一  
謝世視聽一為塵誰言老淚短淚短沾衣巾

一作足沾巾

逢江南故書上人會中鄭方回

上人往年手札五十篇相贈云

以爲他  
日之念

相逢失意中萬感因語至追思東林日掩抑北邙淚筐

筴有遺文江山舊清氣塵生逍遙注

一作篇

墨故飛動字

荒毀碧澗居虛無青松位珠沈百泉暗月死羣象闕永  
謝平生言知音豈容易

哭秘書包大監

哲人卧病日賤子泣玉年常恐寶鏡破明月難再圓文  
字未改素聲容忽歸玄始知知音稀千載一絕絃舊館

有遺琴清風那復傳

悼幼子

一閉黃蒿門不聞白日事  
生氣散成風枯骸化為地  
負我十年恩欠爾千行淚  
灑之北原上不待秋風至

悼亡

山頭明月夜增輝  
增輝不照重泉下  
泉下雙龍無再期  
金蠶玉燕空銷化  
朝雲暮雨成古墟  
蕭蕭野竹風吹亞

弔李元賓墳

曉上荒涼原弔彼冥冥魂眼咽此時淚耳悽在日言寂  
寂千萬年墳鎖孤松根

覽崔爽遺文因抒幽懷

崔君歿  
于南方

墮淚數首文悲結千里墳蒼旻且留我白日空遺君仙  
鶴未巢月衰鳳先墜雲清風獨起時舊語如再聞瑤草  
罷歲蕤桂花休氛氲萬物與我心相感吳江濱

峽哀十首

昔多相與笑今誰相與哀峽哀哭幽魂一作夢噉噉風吹



來墮魄抱空月出沒難自我齏粉一閃間春濤百丈

一作

尺雷峽水聲不平碧沲牽清洄沙琰箭箭

一作湍

急波齒

斷斷開呀彼無底吮待此不測災谷號相噴激石怒爭  
旋迴古醉有復鄉今縲多為能字孤徒髣髴銜雪猶驚  
猜薄俗少直腸交結須橫財黃金買相弔幽泣無餘淮  
我有古心意為君空摧頽

上天下天水出地入地舟石劒相劈斫石波怒蛟虬花  
木疊宿春風颺凝古秋幽怪窟穴語飛聞盼蠻流沈哀

日已深銜訴將何求

三峽一線天三峽萬繩泉上仄碎日月一掣狂漪漣破  
魄一兩點疑幽千百年峽暉不停午峽險多饑涎樹根  
鎖枯棺孤骨裊裊懸樹枝哭霜棲哀韻杳杳鮮逐客零  
落腸到此湯火煎性命如紡績道路隨索綠莫淚弔

一作

酌波靈波靈將閃然

峽亂鳴清磬

一作峽亂鳴清聲

產石為鮮鱗噴為腥雨涎吹作

黑井身怪光閃衆異餓劍唯待人老腸未曾飽古齒薪

崑崙嶠齒三峽泉三峽聲斷斷

峽螭

一作蛟

老解語百丈潭底聞毒波為計校飲血養子

孫既非臯陶吏空食沈獄

一作玉

魂潛怪何幽幽魄說徒

云云峽聽哀哭泉峽弔鰥寡猿峽聲非人聲劒水相劈  
翻斯誰士諸謝奏此沈苦言

讒人峽虬心渴罪呀然潯所食無直腸所語饒臬音石

齒嚼百泉石風號千琴幽哀莫能遠分雪何由尋月魄

魂

一作高卓卓峽窟

一作寬

清沈沈銜訴何時明抱痛已不

禁犀飛空波濤裂石千巖岑

峽稜剗日月日月多摧輝物皆斜仄生鳥亦斜仄飛潛  
石齒相鎖沈魂招莫歸恍惚清泉甲斑斕碧石衣餓嚙  
潺湲號涎似泓沚肥峽春不可遊腥草生微微

峽景滑易墮峽花怪非春紅光根潛涎碧雨飛沃津巴  
谷蛟螭心巴鄉魍魎親嗽生不問賢至死獨養身腥語  
信者誰拗歌歡非真仄田無異稼毒水多瘳鱗異類不  
可友峽哀哀難伸

峽水劒戟寧峽舟霹靂翔因依虺蜴手起坐風雨忙峽  
旅多竄官峽氓多非良滑心不可求滑習積已長漠漠  
涎霧起斷斷涎水光渴賢如之何忽在水一作此中央

巢鳩作人語蛟虬吸山波能於白日間諂欲晴風和駭  
智蹶衆命蘊腥布深蘿齒泉無底貧鋸涎在處多仄樹  
鳥不巢蹕路猿相過峽哀不可聽峽怨其奈何

杏塲九首

并序

杏塲花乳也霜翦而落因悲昔嬰故作是詩

凍手莫弄珠弄珠珠易飛驚霜莫翦春翦春無光輝零  
落小花乳爛斑昔嬰衣拾之不盈把日暮空悲歸

地上空拾星枝上不見花哀哀孤老人戚戚無子家豈  
若沒水鳧不如拾巢雅浪穀破便飛風雛裊相誇芳嬰  
不復生向物空悲嗟

應是一線淚入此春木心枝枝不成花片片落翦金春  
壽何可長霜衰亦已深常時洗芳泉此日洗淚襟

兒生月不明兒死月始光兒月兩相奪兒命果不長如

何此英英亦為弔蒼蒼甘為墮地塵不為末世

一作世木芳

踏地恐土痛損彼芳樹根此誠天不知翦棄我子孫垂  
枝有子落芳命無一存誰謂生人家春色不入門

冽冽霜殺春枝枝疑纖刀木心既零落山竅空呼號斑  
斑落地英點點如明膏始知天地間萬物皆不牢

哭此不成春淚痕三四斑失芳蝶既狂失子老亦孱且

一作豈

無生生力自有死死顏靈鳳不銜訴誰為扣天關

此兒自見災花發多不諧窮老收碎心永夜抱破懷聲

死更何言意死不必啗病叟無子孫獨立猶束柴

霜似敗紅芳翦啄十數雙參差呻細風噉喁沸

一作戲淺

缸泣疑

一作疑

不可消

一作誚

恨壯難自降空遺舊日影怨

彼

一作此

小書窻

弔江南老家人春梅

念爾筋力盡違我衣食恩奈何羸獷兒生鞭見死痕舊

使常以禮新怨

一作寬

將誰吞胡為乎泥中

一作上天

消歇放義源

哭李丹

一作舟

員外并寄杜中丞



生死方知交態存，忍將虧虧報幽魂。  
十年同在平原客，更遣何人哭寢門。

哭劉言史

詩人業孤峭，餓死良已多。相悲與相笑，累累其奈何。  
精異劉言史，詩腸傾珠河。取次抱置之，一作為拋擲飛過東溟。

波可惜，大國謠飄為四夷歌。常於衆中會，顏色兩切磋。

今日果成死，葬襄

一作喪

之洛河。洛岸遠相弔，灑淚雙滂。

施

弔盧殷十首

詩人多清峭，餓死抱空山。  
白雲既無主，飛出意等閒。  
久病牀席尸，護喪童僕孱。  
故書窮鼠啗，狼籍一室間。  
君歸新鬼鄉，我面古玉<sub>一作土</sub>。  
顏羞見入地，時無人叫追攀。

泉空相弔日久

<sub>一作夕</sub>

哀潺湲

唧唧復唧唧，千古一月色。  
新新復新新，千古一花春。  
邨風噫孟郊，蒿秋葬盧殷。  
北邙前後客，相弔為埃塵。  
北邙棘針草，淚根生苦辛。  
煙火不自煖，筋力早已貧。  
幽薦一

杯泣瀉之清洛濱  
漆為斷腸聲  
愁殺長別人

棘針風相號  
破碎諸苦哀  
苦哀不可聞  
掩耳亦入來  
哭絃多煎聲  
恨涕有餘摧  
噫貧氣已焚  
噫死心更灰  
夢世浮閃閃  
淚波深洄洄  
薤歌一以去  
蒿閉不復開

登封草木深  
登封道路微  
日月不與光  
莓苔空生衣  
可憐無子翁  
虬蟬緣病肌  
攣卧歲時長  
漣漣但幽噫  
幽噫虎豹聞  
此外相訪稀  
至親唯有詩  
抱心死有歸  
河南韓先生  
後君作因依  
磨一片嵌巖  
書千古光輝

賢人無計校生苦死徒誇他名潤子孫君名潤泥沙可

惜千首文閃如一朝花零落難苦言

一作久留

起坐空驚嗟

耳聞陋巷生眼見魯山君餓死始有名餓名高氛氲慙  
叟老壯氣感之為憂雲所憂唯一泣古今相紛紛平生  
與君說逮此俱云云

初識漆鬚髮爭為新文章夜踏明月橋店飲吾曹牀醉  
啜二杯釀名郁一縣香寺中摘梅花園裏翦浮芳高嗜

綠蔬

一作雲

羹意輕肥膩羊吟哦無滓韻言語多古腸白

首忽然至盛年如偷將清濁俱莫追何須罵滄浪

前賢多哭酒哭酒免哭心後賢試銜之哀至無不深少  
年哭酒時白髮亦以侵老年哭酒時聲韻隨生沈寄言  
哭酒賓勿作登封音登封徒放聲天地竟難尋

同人少相哭異類多相號始知禽獸癡却至天然高非  
子病無淚非父念莫勞如何裁親疎用禮如用刀孤喪  
鮮匍匐閉哀抱鬱陶煩他手中葬誠信焉能褒嗟嗟無  
子翁死棄如脫毛

聖人哭賢人骨化氣為星文章飛上天列宿增晶熒前  
古文可數今人文亦靈高名稱謫仙昇降曾莫停有文  
死更香無文生亦腥為君鏗好辭永傳作謚寧

聯句

有所思聯句

相思繞我心日夕千萬重年光坐晚晚春淚銷顏容

郊

臺鏡晦舊暉庭草滋新茸望夫山上石別劔水

一作池

中

龍愈

遣興聯句

我心隨月光寫君庭中央

郊

月光有時晦我心安所忘

愈常恐金石契斷為相思腸

郊

平生無百歲岐路有四

方愈

四方各異俗適意非所將

郊

駕蹄顧挫秣逸翮遺

稻梁

愈

時危抱獨沈道泰懷同翔

郊

獨居久寂默相顧

聊慨慷

愈

慨慷丈夫志可以耀鋒鉞

郊

遽甯知卷舒孔顏

識行藏

愈

朗鑒諒不遠佩蘭永芬芳

郊

苟無夫子聽誰

使知音揚

愈

贈劔客李園聯句

天地有靈術得之者唯君

郊

築爐地區外積火燒氛氲

愈

照海鑠幽怪滿空歆異氛

郊

山磨電奕奕水淬龍蜃

蜃愈

太一裝以寶列仙篆其文郊可用懾百神豈唯壯

三軍

愈

有時幽匣吟忽似深潭聞

郊

風胡久已死此劔

將誰分

愈

行當獻天子然後致殊勲

郊

豈如豐城下空

有斗間雲

愈

讚



讚維摩詰

貌是古印言是空音在酒不飲在色不淫非獨僧禮亦  
使儒欽感此補亡書謝懸金

書

上常州盧使君書

道德仁義天地之常也將有人主張之乎將無人主張  
之乎曰賢人君子有其位言之可以周天下而行也無  
其位則周身言之可也周身言之可周天下言之不可

也仲尼當時無其位言之亦不可周天下而行也及至著書載其言則周萬古而行也豈唯周天下而已哉仲尼非獨載其言周萬古而行也前古聖賢得仲尼之道則其言皆載之周萬古而行閣下道德仁義之言已聞周天下誦之久矣其後著書君子亦當載之周萬古而行也幸甚幸甚道德仁義之言天地至公之道也君子著書期不朽亦天地至公之道夫何讓哉是故不以道德仁義事其君者以盜賊事其君也不以道德仁義之

衣食養其親者是盜賊養其親也閣下既以道德仁義事其君聞之天下久矣小子顯求閣下道德仁義之衣食以為養也謂之中庸之道謂之中庸則敢求也謂之特達則不敢求小子嘗衣食宣武軍司馬陸大夫道德仁義之矣陸公既沒又嘗衣食此郡前守吏部侍郎韋公道德仁義之矣韋公既去衣食亦去道德仁義顯其主張謹載是書及舊文又有子遇之書同乎緘獻輕重可否傾一言陳謝誠異於異日不宣郊再拜


又上養生書

天之與人一其道也天地不棄於人人自棄於天天可  
棄於人乎曰不可人自棄也已曰人皆棄之乎曰賢人  
君子不棄也凡人棄之可天有殺物之心而無棄物之  
心天有棄物之心則萬物莫能生矣是故君子之于萬  
物皆不棄也而況於身乎棄其身是棄其後也棄其後  
是棄其先也故曰君子之道豈易哉敢不法天而行身  
乎所以君子養其身養其公也小人養其身養其私也

身以及家家以及國國以及天下以公道養天下則天下肥也以私道養天下則天下削也養身之道豈容易哉養其公者天道養也養其私者人情養也以天道養其人則合天矣以人情養其人則不合天矣以人情養其人自棄矣天道質也人情文也天道靜也人情動也質者生之侈也靜者生之得也動者生之棄也文不以質勝之則文為棄矣動不以靜制之則動為棄矣天者水之謂也人者魚之謂也魚棄水則螻蟻得之矣人棄

天則疾病得之矣魚可安于水而不可翫于水其失也  
在乎恣波浪而不迴也人可安于天而不可翫于天其  
失也在乎恣嗜慾而不迴也所謂安于天者法天之味  
而食之食不違于四時也法天之聽而聽之聽不違于  
五節也法天之明而視之視不違于五色也食與視聽  
苟違于天則疾病得之矣故曰君子法天而行身也小  
人翫天而棄身也書之座右嵇康猶有所棄秦之醫和  
晉之杜蒯其亦不書于右則何以為君子之座哉良藥

苦口也苦口獲罪於人苟或有矣仁義之獲罪於天未  
之有也恩養下將遠辭違書寫至誠之言不勝惶悚之  
甚不宣郊再拜



孟東野詩集卷十